

На основи Програми роботи за 2015. рок и Одлуки Надпатраюцого одбору Розвойного фонду Автономней Покраїни Войводини д.о.о. Нови Сад,

Розвойни фонд Автономней Покраїни Войводини д.о.о. Нови Сад розписує

КОНКУРС ЗА КРАТКОРОЧНИ КРЕДИТИ ЗА ФИНАНСОВАНЄ ВИВОЗУ

1. ЦИЛІ ДОДЗЕЛЬОВАНЯ СРЕДСТВОХ

Основни цель додзельованя кредитох то обезпечене финансйних средствох за потримовку пририхтованя и реализованя вивозних аранжманох з целью стимулованя обезпечованя роботи.

Кредити наменени за потреби продукції и вивоженя роби и услугох домашнього походзеня.

За реализацию тей кредитней линіи плановани средства у суми 400.000,000,00 динари.

2. ХАСНОВАТЕЛЄ КРЕДИТОХ

Право участвовац на конкурсу маю правни особи и поднімателє.

Хаснователє средствох муша мац реєстроване шедзиско на території АП Войводини.

По тим конкурсу вимаганє може поднесц лєм една з правних особох хтори ше, спрам позитивних законских предписаньох, трима як повязани правни особи.

Средства зох кредитох не мож хасновац за орґанізованє бавискох на щесце, лутрийох и подобни діялносци, продукцию нафти и дериватох з нафти, продукцию и обток гоч якого продукту або активносци хтори ше по домашніх предписаньох або медзинародних конвенцийох и спорозуменьох, трима за забранени.

3. УСЛОВИЯ КРЕДИТОВАНЯ

- сума кредиту: у складзе зох кредитну способносцу подношителя вимаганя, до 250.000,00 ЕУР у динарскей проциввредносци по штретнім курсу НБС на дзень реализациі кредиту кед инструмент обезпеченя ґаранция діловней банки або ипотека на польопривредней жеми, а до 100.000.00 ЕУР у динарскей проциввредносци по штретнім курсу НБС на дзень реализациі кредиту кед инструмент обезпеченя ипотека на кварталну або діловну нерухомосц,
- применюванє валутней клаузули,
- **термин врацаня кредиту:** 12 мешаца,
- **обезпеченє кредиту:**
 - штири вексли зох вексловим овласценьом, у складзе зох Законом о платним обтоку,
 - два власни вексли зох вексловим овласценьом власніка, снователя або директора,
 - ґаранция діловней банки **або**
 - ипотека - заложне право першого шора на польопривредней жеми на хасен Розвойного фонду Автономней Покраїни Войводини д.о.о. Нови Сад (у дальшим тексту: Фонд), у минималним одношеню прецененей вредносци и вимаганого кредиту 200% **або**
 - ипотека - заложне право першого шора на кварталней або діловней нерухомосци на хасен Фонду, у минималним одношеню прецененей ликвидацийней вредносци и вимаганого кредиту 300%.

Фонд затримує право од овласценого преценьовача питац додатне преценьованє польопривредней жеми, кварталней або діловней нерухомосци. Фонд длужен од овласценого преценьовача питац додатне преценьованє польопривредней жеми у случаю же по першобутним преценьованю вредносц векша од суми 10.000 ЕУР по гектаре. Додатне преценьованє ше ма окончиц на трошок подношителя вимаганя.

Кед клиент спада до ґрупи повязаних особох, обовязни инструмент обезпеченя то найменше ручене єдней повязаней особи хторе прилаплїве за Фонд, окрем у случаю кед кредит обезпечени з ґаранцию діловней банки як додатним инструментом обезпеченя.

- **каматна стопа:**
 - **3%** на рочним уровню за кредити хтори обезпечени з ґаранцию діловней банки,
 - **4%** на рочним уровню за кредити хтори обезпечени з ипотеку.
- Камату ше обраховує и плаци мешачно.

4. МИНИМАЛНИ УСЛОВИЯ

За шицких подношительох вимаганя хтори як инструмент обезпеченя даю ґаранцию діловней банки, важа шлїдуюци минимални условия:

- Не ма досцигнути невимирени обовязки спрам Фонду;
- Не ма невимирени обовязки по основи порції и инших явних приходох.

За подношительох вимаганя хтори як инструмент обезпеченя не даю ґаранцию діловней банки важа и други минимални условия:

- Найменей два рочни финансови звити;
- Число дньох блокади у остатніх 12 мешацох не векше од 30 дньох;
- Кредитна история (не ма досцигнути невимирени обовязки спрам банкох и других финансових институцийох хтори старши як 60 дні по гоч якей основи);
- Правни особи и поднімателе – двойне кнїжководительство:
 - Дїловане з діловним и нето прибутком по остатнім закончующим рахунку,
 - Вкупни капитал по закончующим рахунку за предходни рок векши од нули,
 - Дїловни прибуток заквива нето розходи финансованя.
- Поднімателе - прости кнїжководительство:
 - Дїловане зоз нето прибутком по остатнім закончующим рахунку.

5. ПОДНОШЕНЕ ВИМАГАНЯ И ПОТРЕБНА ДОКУМЕНТАЦИЯ

Вимагане за додзельоване средствох ше подноши на формуларе – Вимагане за одоброване кредиту (у дальшим тексту: Вимагане). Вимагане мож превжац на електронски способ з интернет боку Фонду (www.rfapv.rs) або у просторийох Фонду, на адреси: Булевар цара Лазара 7а Нови Сад.

Надополнене за обробок кредитного вимаганя виноши: **10.000,00 динари**.

Надополнене за хасноване услугох Кредитного бироа виноши: **1.440,00 динари** за правну особу; **600,00 динари** за поднімателя и **246,00 динари** за физичну особу (власнік подніматель).

Уплацоване надолпненях ше окончує на рахунок Розвойного Фонду АПВ, число **200-2626900101001-56**; повопанка на число **0363001101**.

Документация хтору ше подноши на конкурс:

ФОРМУЛАРИ ХТОРИ ПРЕДПИСАНИ З БОКУ ФОНДУ

1. Виполнени и подписани формулар *Вимагане за одоброване кредиту* з доказом о уплацених наведзених трошках;
2. Виполнени формулар *Виява о повязаних особох*;
3. Виполнени формулар *Проекция билансу стану и успиху за чечуци рок* (за правни особи и поднімательох зоз двойним кнїжководительством), *Проекция билансу успиху за чечуци рок* (за поднімательох зоз простим кнїжководительством).

СТАТУСНА ДОКУМЕНТАЦИЯ

4. Вивод з Регистру привредних субектох;

5. Фотокопія сновательного акту и Статута підприємства односно другого акта з яким ше ушорює компетенцію органа;
6. Фотокопія ОП формулара;
7. Фотокопія Одлуки о класованю підприємствох по велькосци (у складзе зоз Законом о рахунководстве);
8. Правномощна Одлука компетентного органа о задлужованю Клиєнта при Фонду.

ФИНАНСИЙНА ДОКУМЕНТАЦИЯ

9. Виполнени и подписани формулар Вимаганя/согласносци за поцагованє звиту Кредитного бироа;
10. Фотокопія картону депонованих подписох;
11. Потвердженє діловних банкох о стану просеку и обтоку динарских и девизних рахункох за предходни и чечуци рок;
12. Потвердженя компетентних органах же вимирени обовязки по основи порції и инших явних приходов, не старши од 30 дньох;
13. Комплетни рочни службени финансови звит;
14. Фотокопія оверених консолидованих финансових звитох кед подношитель Вимаганя спада до групи повязаних особох хтора подлегує под законску обовязку составяня истих;
15. Бруто биланс зоз пейцифровима рахунками на дзень остатнього рочного финансового звиту и Бруто биланс на дзень подношеня Вимаганя зоз спецификацию шицких рахункох купцох и добавячох.

**Правни особи и поднімателе хтори як инструмент обезпеченя по вимаганям кредиту предкладаю гаранцию діловней банки, не маю обовязку доручиц документацію под подточками 3, 11, 14, и 15*

ДОКУМЕНТАЦИЯ ХТОРА ВЯЗАНА ЗА ПРАВНУ ОСНОВУ ЗА ОДОБРЕНЄ КРЕДИТОХ ЗА ФИНАНСОВАНЄ ВИВОЗУ

16. Документовани приказ же одобрени средства буду у функції реалізації контрактного вивозного аранжману (контракт, предконтракт, ЄЦД);
17. Документовани приказ о походзеню роби за правни особи/поднімательох хтори ше занімаю зоз вивоженьом продуктох хтори купени од непоштрєдних продуковательох (контракт, фактура).

ДОКУМЕНТАЦИЯ О ПОНУКНУТИХ ИНСТРУМЕНТОХ ОБЕЗПЕЧЕНЯ

18. Штири вексли зоз вексловим овласценьом, у складзе зоз Законом о платним обтоку;
19. Два власни вексли зоз вексловим овласценьом (власніка, снователя або директора) окрем у случаю же правна особа, хтора подношитель кредитного вимаганя, не у векшинским приватним капиталу;
20. У зависносци од понукнутих инструмєнтох обезпеченя потребне доручиц и:

- Кед инструмент обезпеченя **гаранция діловней банки**:
 - Писмо о намірох діловней банки о видаваю гаранції.
- Кед инструмент обезпеченя **гипотека на польопривредней жеми**:
 - Оригинал вивод зоз ґрунтовних кніжкох або вивод, односно препис Лістку нерухомосци за польопривредну жем хтора предмет ипотеки, не старши як 15 дні од дня подношеня вимаганя;
 - Преценьованє тарґовищней вредносци польопривредней жеми з боку овласцєного преценьовача одвитуяючого фаху хторе не старше од 90 дньох (Вредносц нерухомосци хтора польопривредна жем под вецейрочним засадам ше звекшує лєм за вредносц засадох. Вредносци як цо то: огради, подперачи, студні, системи за наводньованє, ручни и машински роботи и подобне ше не будзе брац до огляду при одредзованю вредносци польопривредней жеми под засадам);
 - Фотокопія особних легітимацийох шицких власнікох и супружнікох власнікох польопривредней жеми;
 - Одлука органа управления о кладзеню ипотеки на польопривредну жем кед вона власносц правней особи.

У случаю одобрєваня кредиту з боку Фонду потребне доручиц и Полису осигураня засадох винкулировану на хасен Фонду кед предмет обезпеченя польопривредна жем под длугорочними засадами.

- Кед инструмент обезпеченя **гипотека на кварталней або діловней нерухомосци:**
 - Ориґинал вивод зоз ґрунтовних кніжок або вивод, односно препис Лістку нерухомосци, не старши од 15 дньох од дня подношеня вимаганя;
 - Преценьованє ликвидацийней вредносци нерухомосци з боку овласценого преценьовача одвитующего фаху, хторе не старше од 90 дньох;
 - Фотокопия особних легітимацийох шицких власнікох и супружнікох власнікох нерухомосци;
 - Одлука орґана управяня о кладзеню ипотеки на нерухомосц кед вона власносц правней особи.

У случаю одобрюваня кредиту од Фонду потребне доручиц и Полису осигураня нерухомосци хтора предмет ипотеки винкулировану на хасен Фонду.

Обовязни змист преценьованя вредносци, лістину преценьовачох и Програму роботи Фонду мож найсц на интернет боку Фонду (www.rfapv.rs).

Конкурс отворени покля ше не вихаснує средства яки плановани за його реализацию або не принеше одлуку компетентного орґана о завераню конкурса.

Комплетну потребну документацию ше доручує при придаваню вимаганя за кредит у Розвойним Фонду Автономней Покраїни Войводины д.о.о. у Новим Садзе, Булевар цара Лазара 7а, у Секторе за кредити, або ше ю доручує по пошти на исту адресу.

Вимаганя з некомплетну документацию, вимаганя хтори не виполнюю минимални условия хтори наведзени у точки 4. Конкурса, як и вимаганя хтори ше поднесе по завераню конкурса ше не будзе розпатрац.

Шицки додатни информациї мож достац особне на адреси: Булевар цара Лазара 7а, Нови Сад, у Секторе за кредити; на електронски способ: kreditno@rfapv.rs або на телефон на числа: 021/454-334; 021/450-698; 021/450-702; 021/6351-022; 021/6351-014.

РОЗВОЙНИ ФОНД АВТОНОМНЕЙ ПОКРАЇНИ ВОЙВОДИНИ

НАДПАТРАЮЦИ ОДБОР